



審病定經中卷之一

女科要訣

論調經

進賢舒詔馳遠著

和音

我男

生入

月而

齒生

八歲

而齒

易女

生七

月而

易齒

大凡經水不調必皆因病而致無病之婦蓋未有不調者也經云女子七歲而齒二七而天癸至月事以時下交媾而成孕七七而天癸絕地道不通而無子乃天然不易自然而然安得有所謂經水不調者哉蓋為病所阻營衛經輸不能自裕運行升降皆失其常以致月事愆期或前或後不以時下倘若不能分經辨證按法治病徒用調經諸方不但經不能調其病不除而不死者幾希矣必求其所以治病之由或為六淫外邪或為七情內傷或為飲食傷脾或為痰飲阻

隔或本氣多火迫血妄行而經無常或素稟虛寒陽氣不運而血凝滯或經水短澇由於陰精枯涸或崩中帶下皆由脾胃氣虛 凡此數者務當審其病屬何經察其本氣辨其陰陽確有所據而後按法以治其病而營衛經輸各自流通運行升降悉如其常則經自調矣所謂治其病卽所以調其經上乘法也

從來女科皆重在調經謂經不調不能受孕故專以調經爲主自子祝之殊屬不然嘗見有子之婦無論經水調與不調皆能受孕其無子者並非五不女之類雖月事如期終身無產此蓋天地造化之妙有莫知爲而爲者不可得而知也其調經之說竟可以不必而治病之道必不可不講若病不除匪但不孕命且去矣故子以治病爲主

真要訣也推之安胎催生亦皆當以治病爲主其法屢試屢驗其理可信可憑女科諸方概不足錄予非敢謬執臆說翻刻前賢竊恐遺悞後世實出於不得已也同志君子當必有以諒之

六淫外邪乃風寒暑濕燥火六氣也六氣爲病各不相同然不外乎六經以六經之法按而治之而更察其本氣辨其虛實則皆得之矣七情爲病不必穿鑿於所因統而言之皆爲抑鬱憤懣之氣阻遏胸中以致飲食漸減則生化之源漸窒因而經水漸自不調法主宣暢胸膈條達脾胃收攝腎氣方用黃芪白朮茯苓遠志砂仁半夏白蒺藜根故芾兔絲更糯其本氣而爲加減

客問憂鬱成病逍遙散可用乎予曰不可名雖善而藥不通凡憂愁

憤懣則胸中鬱結其氣消沮主乎靜靜則生陰則爲病能受人勸則
情懷舒暢其氣發揚主乎動動而生陽病故愈益爲憂鬱一段陰氣
痞塞胸中飲食不下憤懣增劇此時不爲宣暢胸膈條達脾胃而反
用柴胡薄荷重耗其陽更加當歸白芍愈滋其陰用此方克治鬱者
吾不敢從

飲食傷脾者宜用砂仁神曲人參白朮等藥

痰飲阻隔者宜用六君加干姜草果等藥

火邪逼血妄行者宜用生地丹皮黑梔童便涼血活血等藥更加參
芪補其氣以統攝之

素稟虛寒者宜用朮附干姜參芪肉桂等藥

血虛肝燥陰精枯涸者宜用阿膠歸地等藥

脾虛氣弱不能統攝而爲血崩者宜用人參黃芪白朮山藥欠實故
昏鹿茸之類

凡血妄行者或上溢而爲吐衄或下行而爲崩漏均爲脾胃不能統
攝所致法宜大補中氣一定之理也且有妄行於後陰者曾答門人
馬貫一云一婦奇證每當期腹中痛連少腹引入陰中其經血不行
於前陰反從後陰而出三日則腹痛諸證俱已次月當期亦復如是
此爲何證當用何法子曰此太陰脾氣虛弱不能統攝少陰眞陽素
虧陰寒內結而爲腹痛侵入厥陰則痛連少腹引入陰中其證總爲
三陰寒極阻截前陰經血不能歸於衝任而直趨大腸宜用參芪苓

尤大補中氣附桂姜砂以驅少陰之寒吳萸川椒以散厥陰之寒結
更加山藥芡實兜瀉大腸香附萬年霜引導前陰一定之理也貫一
卽依此法爲之調理數月則經調而受孕矣

女科書雖有調經先去病之說然不能分辨六經按法治病如所載
赤白帶下白淫白濁癥瘕積聚癰腸覃石瘕諸證但執一方而無
可憑之理誠恐貽悞後人而是書之所以作要訣之所以名極知僭
越無似實出於不得已也否則曷敢更置一喙哉

論閉經

閉經不通者亦必各有所因未有無因而成經閉者也從前女科諸
書不能視病用藥所載方論概不足錄今酌定治病手眼總在臨證

之際詳悉審問察其本氣分別六經辨其寒熱虛實得其所因確有
所據按法爲治其應如響若其人陰虛火旺經血短少漸至乾枯而
經不行者宜用歸地阿膠滋陰養血丹皮以瀉血熱降真香以行血
中之氣香附米以通其經而經自行 若其人陽虛陰盛冷積胞門
而血不歸經者法主附桂姜砂以逐冷積參芪苓朮大補陽氣使陰
返陽回而經自行

附案

曾醫龔雲從之婦經信兩月未行醫用膠艾四物湯加紅花二十餘
劑則飲食漸減舌胎漸乾且黑謬謂有火再加炒芩又二十餘劑則
舌胎更加芒刺滿口腹膨作泄人事困倦身重惡寒雲從來寓求治

子曰飲食減少腹膨作泄屬太陰人事困倦身重惡寒屬少陰胎刺
乾黑者陽虛不能薰騰津液之所致也方用芫朮姜附砂半桂苓故
芾等藥六劑而身發大熱吾知其泄旦夕間必自止又三劑泄止矣
身熱漸減而腹中又作大熱雲從恐附子大過子曰襄陽來復佳兆
也積陰可化經當自行又十餘劑而人事康健飲食如故腹膨俱消
舌胎盡退經信行通如故

有為濕痰佔踞胞胎者其腹漸大白帶常來飲食非如孕婦喜惡不
常且又無胎息可驗由其脾胃素虛而生化之源為留飲窒塞是以
經血不行兼之腎陽不足不能化氣而痰乃微佔踞胞胎法宜六君
子芫朮仁草果乾姜肉桂南星香附等藥其痰仍隨白帶長驅而下

其腹漸消經信復通可以受孕矣 但通經之後仍在治病調經門
言之已悉茲不復贅

論安胎

安胎之道法當求其動胎之故然未有無故而胎自墮者於中必有
所因或因脾虛氣弱而不能載或因縱慾傷腎而不能安或因攀高
或因跌撲凡此均宜大補元氣調理脾腎如參芪苓朮覆盆故倍
若火旺加歸地阿膠黃芩虛寒者加附子干姜肉桂若胃有寒痰加
干姜半夏若兼嘔吐加砂仁白蔻吳萸丁香 若三陽外感頭痛壯
熱表邪大盛正氣受傷而胎動不安者則當分經解表以去其邪而
胎自安 若為三陰中寒陰邪內攻下利厥逆腹中急痛其胎必動

宜急回其陽以驅其陰而胎自安。若陽明內結火邪入胃燥竭陰精胞胎立壞外見惡熱不眠舌胎乾燥噴熱如火大便閉結法當急驅其陽以救其陰能見機於早不失其宜胎亦可保。

附案

曾醫房嬌懷孕三月而患熱病求子治吾見其口燥心煩渴欲飲冷者陽明裏證也法宜白虎以撤其熱汗出惡熱大便閉結者胃實也法宜調胃承氣以蕩其實口苦咽乾者少陽腑證也法主黃芩以蕩腑熱舌胎乾黑芒刺滿口者內火燥乾津液陰欲竭之徵也腹微痛而胎欲動者熱邪逼及胞胎也若不急行驅陽救陰之法胞胎立壞不可為矣即用白虎湯合調胃承氣加黃芩一劑而熱勢畧殺再投

一劑泄下二次結去津回諸證皆愈其胎卽安此但治其病不必安胎而胎自無不安者也

附案

曾見有懷孕五月者卒病中寒頭重如壓腰痛如折厥逆而惡寒腹痛而胎欲墜法當急驅其陰以救其陽而胎自安粗工不解但用膠艾安胎散數劑而竟墜其胎且斃其生矣

又有懷孕七月者漏下清水時值秋分之後燥令大行乃爲肺金受燥醫者不識謬執成法以爲脾虛而用健脾之藥不効又謂藥不勝病再加大劑十餘服水更加甚而胎墮矣其後仍復下水醫謂小產後元氣暴虛更重用大補數劑而證變喘促直視口不能言延子視

之肺部洪勁無倫面色焦稿肌膚燥鼻鬚扇動吾知其不可爲矣
乃詰醫者曰若謂脾虛何所證驗蓋脾虛者當必自利不渴今大便
結硬口乾心煩乃爲燥傷於肺其氣下迫胃中津水長驅而下而反
用健脾之藥愈助其燥而肺愈傷今視其肺脈洪勁無倫鼻鬚扇動
乃肺氣立絕之候尙可爲哉醫者不能置喙少頃氣湧而死矣

明年九月又有懷孕七月者受秋燥而渴下清水其證與前死者無
異其家懼而求予藥診視之依然肺脈洪勁皮膚乾枯心煩不眠吾
用玉竹天冬阿膠雞子白以清肺燥桔根開提甘草和中一劑而効
五劑全愈可見安胎必當治病病不能除命且去矣可不慎與
孕婦小便癃閉不通女科書名之曰轉胞謂氣虛則胎下墜壓翻膀

膀胱爲轉胞目而胞系了戾小便不通了戾者膀胱絞紐也法主大補中氣何其謬也胞爲胞胎膀胱爲尿管並非尿管小便不通關係出竅於系無干何必曰胞系了戾且小便不通名曰癃閉不宜驟補法當宣暢胸膈而醒脾胃使上焦得通中樞得運而後氣化能行方宜白朮砂仁半夏肉桂更加桔根開提生薑升散俾轉運之機乃得先升而後降妄投參苓芪朮壅塞不通何益哉

吾觀胎前諸證惟惡阻一證爲中脘停痰可以定例其餘如子淋子腫子懸子癩子疳等證皆有寒熱虛實不同務必察其根由確有所據而後按法用藥方爲妙算女科諸方皆非肯要吾不敢從

附胎前預服良方

炙黃芪 三錢 製白朮 三錢 白茯苓 二錢 炒砂仁 一錢 炙甘草 八分 炒

兔絲子 二錢 酒炒 覆盆子 二錢 酒炒 破故布 二錢 鹽 廣陳皮 六分 水炒

右方用煨姜一片水煎服若體虛者加人參陽虛者加附子血虛者加歸地火旺者去砂仁加黃芩此方須宜多服自受孕之後即服是藥不可歇手俾元氣足則胎自固而無墮胎之患內氣充則產自易而無難產之厄且臨產不受虧產後必無病然又胎元足兒體堅無恙此為培母之後天即所以毓兒之先天上乘法也
凡孕婦有病必當及時治之務令其病盡愈元氣康復飲食加健方無後患切不可遺其產後治之更難甚且不救慎之慎之

論催生

孕婦難產亦皆有所由來懷胎十月形完氣足必自分娩產母無病其產自順今既發動兒已出胞頭已向下曷爲三五日不產其中必有所因或爲氣虛不能運送宜用參芪苓朮補氣之劑或爲血虛津乏而不流利宜用歸地阿膠髮灰龜板之類或爲疾病侵害以致難產當按六經之法分別用治使病去而產自順醫不知此任用催生諸方無端妄投徒斃其生而已矣

附案

曾見產婦臨盆數日不產者其證嘔吐不止腹中大痛少氣懶言身重無力此少陰證也催生諸方不可用吾用黃芪白朮附子肉桂砂仁半夏干姜吳萸一劑而嘔止但仍腹痛未減依然少氣無力於是

達小倍加其尤再投一劑則腹痛止而氣力加健其產如達母子俱無恙

又醫一證發動六日兒已出胞頭已向下面竟不產醫用催生諸方

又用催生靈符又求靈神鑪丹俱無效延予視之其身壯熱無汗頭

項腰背強痛此太陽寒傷營也法主麻黃湯作一大劑投之令溫服

少頃得汗熱退身安乃索食食訖豁然而生此皆治其病而產自順

上乘法也

論產後

女科書謂醫產後諸病當以大補氣血為主此言雖得其大概然有

當補有不當補者而當補之中又有分別血虛補血必當兼補其氣

氣虛者必不可兼補其血 其氣血兩虛者法當重在補氣蓋陽

也 易產 者如 羊子 易生

生則陰長也。觀女科所用諸方，往往偏勝補血，而且又重兼破血。然產後內臟空虛，必不可破。縱有淤血，亦不必破。務在求其所以然者，是必因病而致。治法總當辨其寒熱陰陽，對證用藥，使病去而淤自行，不知治病，僅知破血，必殺之矣。

產後眩暈不醒，人事俗名血暈，主用破血，貽害千古。此爲氣虛陽脫，法當重用參芪以固其脫。若兼厥冷，更加姜附方能奏效。又如血脫一證，乃爲元氣暴虛，不能統攝。法當大補其氣以固其脫。此二證皆爲氣虛，並非血病，不可破血。愈傷其元，併不可兼補其血，以致陰愈長而陽愈消，不救之道也。惟人參一物最妙，俗醫云恐提氣又恐吊血，死不敢用，不知何所本也。蓋血脫者爲氣虛不固，惟參能固淤。

血不行者多爲氣虛不能運行惟參能行此其所以最妙者也常於
臨產時用參一錢以助內氣則易產且後無虛暈虛脫之患迺因參
貴又常用鹿鞭切片二三錢水燉爛入鹽少許連渣服其功不亞於
至於產後心腹痛者多爲中寒女科謬名血氣主用破血亦必殺之
矣法宜朮附姜桂參芪砂蔻等藥若兼表證仍當分經用表合而治
之縱有淤積亦不必破總在所貴治病病去而淤自行

再按產後前病諸證予常用熟料五積散去麻黃桂枝加肉桂洋參
輕者一劑立止重者二劑必愈此出集成方法也所稱神劑予屢試

屢驗

製法用半水半醋將藥拌濕漫火炒乾
攤冷惟有白芷只壳陳皮肉桂不炒

附案

醫醫一證產後而淤未行小便滿澀腫脹異常醫用破血之劑三服
更加胸腹脹滿人事昏迷喘促不能臥子曰此非淤積仲景有云小
便不利為無血也此病在氣分不當用血分之藥蓋為膀胱蓄尿過
滿脹翻出致尿不得出吾用白朮宣揚砂仁半夏醒脾肉桂化氣
枯根開提生姜升散合服是藥併效以手從上拂而膀胱之氣乃得
轉運斯竅自順而尿得出果如吾言其尿通利自言寬了一節旋即
又行又覺甦暢乃索食食訖則安睡睡起再行腹消如故於是改用
扶脾健胃之劑數服而全愈矣此以小便不利而驗其無血也
又醫產後一證身重惡寒食不下大便泄小便不利腹中痞塊作痛
醫家謬謂血氣用玄胡四物湯加蒲黃服之無效轉加膨脹矣於是

再加厚朴木香則脹滿加劇湊上胸膈喘促不能臥子曰其身重惡
寒者少陰證也腹中痞塊作痛者陰寒凝結也食不下者寒邪逼塞
胃口也且陰邪下奔而作泄膀胱無陽其氣不化而小便不利凡此
皆為病在氣分彼妄投血藥則陰愈長而陽愈消又悞破其氣則氣
愈虧而邪愈湊其證危矣吾用砂蔻椒半宣陽溫醒脾胃附子禦陰
肉桂化氣使上焦得通中樞得運而後氣化能行桔根開提生姜升
散俾轉運之機得先升而後降一劑而小便通胸膈略寬再加黃芩
白朮三劑而腹痛止脹漸消飲食加健身復發熱其家問曰表見發
熱何故也子曰真陽來復休徵也經言傷寒先厥後發熱下利必自
止再重加黃芩白朮一劑而泄止其脹更消忽加口渴腹中作飢食

未久又索食其家恐過服桂附助起胃火故能消意欲改用清涼
曰非也經言脈滑而數手足自溫渴欲飲水飢欲得食此陽進欲愈
之證也再加故忝益智收固腎氣又二劑而身輕腹脹俱消再加覆
盆虎絲鹿鞭兼補腎陽數劑而全愈矣痞塊消彌終無血下調理兩
月經信行通如故

其時又一產婦腹中有塊作痛醫者用以行淤未見血下轉加膨脹
更加檳榔厚朴木香沈香數劑而脹滿加甚醫家又謬謂成血蠱矣
乃極破之其脹彌堅飲食不能下連更數醫皆爲破血消脹氣湧息
高而死矣 凡此皆爲病在氣分不可用血分之藥前條始雖有悞
隨卽改用陽藥着着合法病故愈此條專從破血恬不知改所以也

產後胞衣不下多由氣虛不能送故方必兼大補其氣否則非法也

下胞衣方

人參黃芪白朮肉桂山羊肉桂山羊血無名子沒藥苡仁山查硃砂製硫黃紫檀香 以上等味共末飯展成丸開水吞服五錢

又方用芡實葉大如盤者取完全無破損曬乾備用凡用一皮扯作三塊水煎濃汁酒對服姜湯亦可其胞衣卽裂爲三塊而出若扯作二塊胞衣卽裂爲二塊而下此方得之萬天純屢試屢驗

又聞臨川世醫黃在用下胞衣用紅蓮葉用法與前方同功效亦同亦屢試屢驗

凡用此方必須察其果爲胞衣未下者方可用若遇駢胎產下一個

腹內稍停此因產母氣虛不能送必俟母氣來復再生者此等藥方切不可妄投恐傷兒命

附案

曾在縣有洪元鎮薄暮來寓曰吾姐於午間產下一女胞衣未下特來求方予問此刻人事何如曰腹仍大不作脹痛飲食有味倦臥懶言別無所苦予曰此駢胎也還有一個在內故腹大而無所苦苦若爲胞衣灌血勢必濁氣上干而爲脹痛悶亂莫可名狀欲得安靜飲食有味何可得也此爲氣虛不能運送觀其倦臥懶言顯然矣吾用黃芪白朮苡仁各二錢薄桂半夏各二錢益智仁一錢生姜一片令卽煎服明早再看次日元鎮來云服藥後卽熟睡至半夜又產一女胞

衣墮落今無恙可見用藥必當詳察不可忽略此明驗也

論乳病

乳汁不通各有所因或氣虛血虛不能生化宜服參芪歸桂乳香等藥或脾胃虛寒宜服參芪朮附姜桂砂半等藥或內臟多火津枯血燥而生化無源宜用歸地阿膠橘核苡仁括蕒仁之類或因外邪阻滯法當分經用藥以去其邪則乳自通如女科書所載通草漏蘆豬蹄湧泉諸方皆非正理不可用也

如乳吹乳二證女科謂因兒口氣所吹則乳汁不行而成腫硬此說非理實爲解懷乳子外邪乘隙侵入乳房壅塞乳道腫硬而痛閉久則潰斯爲乳癰若初起未潰宜用白芷半夏桔根甘草白薤乳香橘

核生薑等藥

外用生南星、姜黃、白芷研末，砂糖調敷，以內消而愈。

若兼三陰內藥，加附姜桂。

若兼口渴、惡熱、形色焮赤、頂凸，宜

加芩地栝貝。

若三陽表證，法宜分經解表，更當相其本氣，察其虛

實，依法用藥，自能中肯。

以上皆驅逐消散之法，不令外潰無害乳房爲上。若已潰成膿，又當

重用參、芪、歸、桂、芩、朮、乳香等藥，極宜拮抗，則乳房無損。日後有乳，若

已成潰陷，外用紫草、麻油兩浸三日，去滓，將白蠟兩打碎入油內，

慢火熬烊，另用白芷一錢、松香、降真香各二錢、枯礬、輕粉各二錢，共

研細末，投油內攪勻，候冷，以小籤子挑一塊置掌心，攤開刮入陷中。

上蓋膏藥，內服托藥，排解收功。或者可冀僥倖，乳無損。

孔岩一證由脾胃素虛痰飲停積協抑鬱之氣而膠結乳下成核此病在氣分不可兼用血分之藥如流氣飲等藥方皆無用法主理脾滌飲開鬱散結方用六君子湯加石菖蒲志肉白蔻南星虛寒者更加姜附

孔懸一證謂因產後淤血上攻兩乳申長直過小腹痛不可忍其說荒唐無理未可深信其方主用當歸川芎尤其不通皆不足錄

歷代女科書可謂備矣然而見理多有不確用藥鮮能中病予不揣魯劣舉女科之要訣而言之蓋為學者不悞於所往也但於各證微發其端而未詳其治務當熟服三百九十七法體備六經陰陽之理則信手拈來頭頭是道否則匪但不得女科之要併不足以言醫也

審病定經中卷之三

論吐血

進賢舒詔馳遠著

吐血一證諸家咸謂傷寒失表又謂肺金受傷又恐相火燦金是皆不明其理而不知所由來也蓋人身後天水谷精氣所生之血全藉脾胃氣健而爲傳布周流設脾胃不能傳布血乃停蓄膈中然亦不遠動或因憂慮或因忿激勞心傷力皆足以動之若其人脾胃強健傳布如常血不停蓄縱使大患卒臨忿激暴起與夫極勞其心傷力之至終未見吐血也可見吐血者必早有所停蓄也或又有無因而血自動者乃爲積滿之故也又聞有下趨大便而不上逆者雖皆脾胃氣虛然胸中之陽猶能宣布於上故血不得上僭而轉下趨是便

血與吐血者同源而異派治法總以理脾健胃爲主於中仍看本氣
分別寒熱而爲加減此一定而不可易者也至若所謂傷寒失表者
不適之至也蓋傷寒有傳經之邪有不傳經之邪其不傳者雖百日
之遠終在大陽不傳他經原有成法可施不爲失表亦不致吐血也
若邪本傳者遞傳六經法當隨經用藥不得妄投麻黃桂枝亦不得
以失表名之况乎仲景立法至詳且盡未嘗云失表者吐血也何故
創此不經之言貽害千古可勝悼哉總緣叔和以僞嚙而亂仲景陰
陽乖舛倒亂六經後人以訛傳訛醫風日趨日下苟非喻嘉言特出
手眼尙論三百九十七法釐訂六經剖晰陰陽現身說法金針併度
千古冥冥長夜矣業醫者不讀尙論篇不識六經陰陽之理所以遇

病卽錯至吐血者百無一生予常目激心傷不揆魯下敢將數十年
寢食研求得力於仲景嘉言者暢發其義針砭諸家啟迪後賢俾不
致貽其悞以償吾生平之所願也

夫吐血者非不可治醫家不得其傳不知法之理脾健胃稊據不通
之言以爲傷寒失表妄投麻黃桂枝則胃陽腎陽均被耗損命已去
其半矣繼則清金保肺以伐胸中之陽終以滋陰降火伐盡脾中之
陽其命全去雖有善者無能爲也藉令其人委實陰虧火旺或表邪
實盛然必重在理脾健胃兼行表法或兼滋陰否則非法

凡吐血者必兼咳嗽以蓄血與留飲皆由脾胃氣虛故二證每相因
或先留飲而後吐血或先吐血而後咳嗽又或咳唾而痰血相兼治

法總不外乎理脾健胃醫家不解概謂傷寒失表而死於麻黃者十
常八九 又有但咳痰不吐血者醫家又謬謂爲白血不思白者何
爲血耶且皆以爲失表而同死於麻黃 又謂麻黃能搜肺家之寒
且謬指咳嗽爲肺寒故皆以麻黃爲咳嗽要藥惡是何言也麻黃專
走太陽之表並不入太陰肺經之裏何其不通若此

凡吐血者未經悞藥皆可治 附案會醫駱子仰山留飲咳嗽服溫
經滌飲等藥數劑未愈忽然吐血甚多不知者皆謂姜附燥動其血
予曰非也是血與飲同條共貫皆由脾胃氣虛不能傳布法當理脾
健胃大補中氣方中倍加黃芪白朮又數劑而血漸止但仍咳嗽胃
口不開脹悶不欲按蓋痰痞與氣痞喜按不欲按者乃蓄血之證也

此爲中氣未復健運不行逐日所生之血不能留布仍復停蓄恐其再吐吐亦不妨前藥不可歇手再服數劑其血下趨大便而出予喜曰此胸中之陽漸復且脾胃有權穢腐當去休徵也於是藥中再加肉桂故帑又十餘劑而全愈所幸者未經悞藥否則恐亦無能爲也吐血之證多有喘者乃爲中氣不足轉運無權兼之腎氣渙散胸中之氣不能下達上逆而爲喘法當重用黃芪白朮大補中氣故帑益智收固腎氣砂仁姜半夏宣暢胸膈而醒脾胃使中州氣旺轉運存權腎氣收藏則胸中之氣肅然下行而喘自止彼皆不得其傳謬謂黃芪白朮擬氣死不敢用

附案

曾醫陳子老三之子始初吐血甚多既則咳唾痰血相兼喘促不能
臥掩掩一息人將不堪子曰此證大難非我所能及陳子告曰賤兄
弟三人下輩十人皆爲吐血已死其九僅此幼子尙未婚娶敢求先
生憐而救之子曰非敢推諉但恐過服清金等藥曷可救也陳子云
病雖三月然未服藥皆因前此九子服藥無用今則不藥子曰爾旣
不藥請我何爲陳子曰聞先生唾血最驗故爾相懇旣無庸於辭乃
勉強作劑芪朮各用入錢曰不居功亦不任過但看緣法何如明日
陳子來云昨有二位高醫討藥單一看縮首吐舌詫爲不詳謂黃芪
白朮提氣是吐血者之大忌若此專用則必喘促加劇而立死矣陳
子曰芪朮提氣之說亦常聞之矣舒先生獨不聞有是說乎且吾家

九子先生等皆未用黃芪白朮盡歸於死大抵必有精妙之理非尋常所能及吾徑依然與之今早看來覺氣稍平再服數劑血亦漸止飲食漸康於是用大補之藥六十劑而全愈矣

吾見一少年患吐血醫者任用止血諸方而強止之彼以爲治得其法殊不知死於此矣夫吐血一證皆由脾胃氣虛不能傳布法當理脾健胃宣暢胸膈使傳布如常血不停蓄其病自愈醫家不明此理希圖暫止謬以爲功獨不思停蓄之血敗濁之淤豈能復行經絡有是理乎是敗濁不去終爲後患壅塞胸膈脾胃愈虧後此新生之血愈不得流通以致積滿而復動冲激而出壅塞咽喉搐人鼻孔喻入肺管致不得息其死立至醫不強止其血必無搐死之慘未幾少年

果為積血復動噎搐而死矣故止血諸方必不可用今為學者識之

附辨肺癰肺痿

咳唾痰血腥臭稠粘為肺癰肺痿也肺癰之證面紅鼻燥咽中乾澇

喘咳音啞胸生甲錯 肺痿之證口吐涎沫飲一溲一遺尿失音

二證治法以肺癰宜瀉肺痿宜補之外均當滋陰清火潤肺豁痰子

謂所說非理也肺為嬌臟豈可生癰潰出膿血肺已壞矣尙得生乎

或曰可生綱目所載有犯剝刷罪者當日訛拷其背肺被拷壞潰而

吐出獄吏憫之服以白芨長其肺典刑時見其肺上白芨味未盡

化此更無理也隔諸脊骨不得傷肺何肺拷壞而骨不壞耶且白芨

由食管入胃不得由氣管入肺其誑顯然矣其所謂肺癰者實為裏

燥協痰血而上搏結而生臭也胸生甲錯者燥侵胸膈上腕乾瀆咳
逆而刺痛也鼻紅乾燥咽乾音啞皆燥證也法宜天麥甘桔玉竹蔓
仁貝母雞子白俟其燥去津回咽膈清利仍當用參芪苓朮砂蔻星
半甘桔二冬以善其後肺痿者虛寒協痰血而上鬱積而作臭也
吐涎沫者寒飲上逆也音啞者痰壅咽膈也虛寒在下溲便長腎陽
憊甚則遺尿法宜參芪朮附砂蔻姜半故帛鹿鞭桑螵蛸等其證皆
與肺金無干涉也何得謬名肺癰肺痿哉茲特辨

論心跳

心跳一證醫家謂心虛主用棗仁柏子仁志肉當歸以補心血於理
不合心主藏肺膈之中深居大內安靜則百體順昌否則百骸無主

顯沛立至豈有君主跳而不安百官泰然無事治節肅然而不亂者乎必無此理也觀仲景書中有心下悸無心跳之說若謂心虛者心跳何以脾虛者脾不跳腎虛者腎不跳耶蓋心下悸者心下有水氣脇下悸者脇下有水氣臍下悸者臍下有水氣皆陰氣挾水飲而動法主扶陽以禦陰補土以逐水彼以心下悸爲心跳然則脇下悸與臍下悸者何物跳耶何其所見之不廣耳或曰凡受驚而心跳跑急而心跳者非心跳乎是則無庸置喙予曰非也蓋驚則氣散跑則氣傷不過陽氣受虧陰氣上干而爲悸尙在肺腑之外安能搖動大內乎是理之一定者也且要知病在氣分不可用血分之藥以犯仲景之禁耳

論虛寒真陽發露而竭於下者

常見虛寒之人因黃庭火備真陽不能內守而竭於下者則陽勢強舉腎精傾瀉無可聊奈之極醫者無法可施束手待斃而已子細繹其故粗工僅知培補腎陽但用附子肉桂枸杞桑螵蛸等藥而不知重在中宮之陽始初即當重用黃芪白朮則黃庭火種不致滅也稍緩則無及矣而況不用者乎其中或又悞用茯苓陳皮等藥泄其真氣而開其孔道以致關門不禁精無統攝若再悞以爲火妄投寒涼孤陽立絕矣亟當灸百會穴溫其上以升其陽則陽自安而勢自收藥中不可溫補腎陽愈助其火而更走其精法宜重用黃芪白朮人參鹿鞭溫補黃庭蓋益其氣而舉其陷則腎自固而精自守此一定

之理也予嘗試之而屢驗學者識之

真陽發露者或衛陽解散則汗多而為亡陽 或虛陽上越則面赤

而為戴陽或中宮陽去則能食而為除中 或孤陽下陷則火動而

為下竭 總緣黃庭衰憊不能統攝之故務當及早重用黃芪白朮

則黃庭有所主持諸陽不致發露矣

附案

門人李步千問曰太平鄉所醫之證人皆稱奇其中奧渺可得聞乎

予曰晰理精深難逢知己也今為爾言之其人因家難不決數月鬱

悶忿怒不已歲底歸家抱病不堪神識不清不知晝夜欲寐不寐惺

惺達旦醫者為之安神開鬱病轉加劇求予診視脈微如絲按之即

絕人事不知飲食不下翕翕微熱濺濺微汗昏眩少氣欲言不出目
又與陽強梁不已半夜時胸中擾攘雨氣欲脫五更時方安日中時
亦然客問此人陽虛之極何得腎陽復強子曰明乎哉問也此乃孤
陽下陷爲陰所迫陽從下竭之證也又問胸中擾攘痰乎氣乎子曰
窘乎哉問也並無形跡其理莫措子靜籌之明日方得其解其人抱
悶終日默默不欲人言靜而生陰也濁陰壅遏胸中胃蔽清陽所以
神識不清且飲食不下子午二時陰陽代謝因其陰過勝不容陽進
代謝之頃故此有離脫之象其所以不得寐者亦爲孤陽不得與強
陰交也然此證非外邪直中之陰不可以附桂等藥驅而逐之法當
大補其陽陽旺陰自消陰消陽不陷且腎火必自安而陽亦自不興

矣方用黃芪白朮人參鹿茸白朮志肉一劑而効十餘劑而全愈

窮音進也

真陽論

腎中真陽稟於先天乃奉化生身之主內則賴以腐化水谷鼓運機
神外則用之溫肌壯表流通營衛耳目得之而能視聽手足得之而
能持行所以為人身之至寶也然而稟受原有不同其中陰陽不無
偏勝陽過亢者常宜養陰濟陽陰過旺者更當助陽禦陰喻嘉言曰
腎中真陽得水以濟之留戀不脫衛土以堤之蟄藏不露而手足之
陽為之役使流走周身固護腠理而捍衛於外胸中之陽法日之馭
離照當空消陰除暄而宣布於上脾中之陽法天之健消化飲食傳

布津液而運行於內此三者後天之陽豐享有象而先天真陽安享
太平惟在外在上在中之陽衰微不振陰氣乃始有權或膚冷不濕
衛外之陽不用矣或當膈阻碍胸中之陽不用矣或飲食不化脾中
之陽不用矣此腎中真陽不能安於內而卽亡於外也於是肌膚得
陽而煖燥頭面得陽而戴赤脾胃得陽而除中卽不中寒其能久乎
嘉言此論開天闢地亘古今之未有者也令人讀之千遍不厭

按先賢往往重在養陰清火亦時勢不同也常見前輩長者陽旺多
壽如芪朮姜附桂等藥概不必用亦必不可用後人漸見陽虛而服
苓連者亦漸少所納芪朮者日漸多邇來時勢又大不同凡病未
有能外太陰少陰者縱或兼見三陽亦未免裏重於表用藥總以芪

朮桂附爲主而服涼藥者百中難逢一二然而學者亦不當專以時勢爲言蓋非至正之道也務必陰陽虛實諸法備具方可垂訓予集註仲景六經傷寒其中發表攻裏驅陰回陽與夫瀉火清燥諸法條分縷晰至詳且盡未嘗偏廢今之淺於醫者不分六經始則亂表曰寧可過表不可失表旣則怕火曰干虛易補一火難除吁是何言也此等無稽之談從何得來夫六經法程病在陽明所怕是火火邪實盛足以竭陰故當急驅其陽以救其陰病在少陰所喜是熱熱尙未去陽卽可回故當急驅其陰以救其陽不明此理者謬議某某喜用溫補某某喜用寒涼安知仲景之法分經辨證確有所據溫涼補瀉毫不庸混烏庸爾所喜也是議者之謬耳

論治雜錯病輕重權宜法

患虛寒病者有雜錯陽邪在上心煩飲冷法宜方用黃連浸取輕清之汁攪入溫補藥中若上身熱而多汗心煩口燥下身冷而腹痛者法宜石羔撤其上身表裏之熱合溫補以治虛寒若兼心煩不眠肌膚燥口渴咽乾法宜麥冬竹茹阿地等藥攪入溫補藥中若但見胸有微熱微寒不欲眠不甚燥渴者不宜用阿地石羔連麥等重濁諸品但用雪梨西瓜甘寒之物畧除微燥取其輕清易過無礙本氣斯有當耳各種雜錯殊難筆罄但當以六經之法參伍而錯綜之無所往而不得之矣

附案 少陰吐利上熱下寒雜錯一證

曾醫吾鄉中一人暑月吐利汗出惡寒厥逆腹痛喜熱手摩按心中煩熱無狀時時索飲飲而又吐先服姜附等藥不能納心中煩熱愈甚此爲陰寒在下夾有雜錯之陽邪在上吾用白通湯加人尿豬膽汁去葱白加半夏吳茱萸白朮茯苓因有汗去葱白一劑而効二劑全

愈若惡熱喜冷以熱手觸之則痛劇者爲滯暑又不當用薑附宜益元散合四苓散自効

附癰痢交作上熱下寒雜錯一案

種子田人明萬者癰痢交作先大振寒時心中煩熱無狀口大渴索飲冷水二三碗後壯熱時傾囊嘔出又索冷飲旋飲旋吐心煩愈甚腹中絞痛異常下痢膿血日數十行病勢危篤之至予知此證必下

焦虛寒甚極而上有雜錯之陽邪方用附子干姜人參白朮半夏草
果大劑濃煎另用黃連三分泡取輕清之汁挽和對服一服而上熱
卽除大渴乃止於是不用黃連前藥再投數劑而愈此法子亦師附
子瀉心湯之製因其寒熱輕重不同而變通用一効者也

附少陽少陰合病瘧痢一案

又醫一婦瘧痢交作其證小便不利腹中痛泄痢下重四肢逆冷先
寒後熱先瘧後痢脈微弦數且實此少陽而兼少陰兩經熱邪合爲
瘧痢吾用四逆散合小柴胡湯加附子薤汁對服一劑而効二劑全

恩預用田螺
敷臍一次

兩熱結旁流虛寒一案

曾醫一人不發譫語外見頭眩嗜臥身重惡寒便泄不渴夜間發熱
漸加大熱不惡寒轉惡熱撤去衣被揚手擲足身漸大汗其熱方解
明日亦復如是醫經半月無効予細察之果何證也將謂陰盛格陽
於外耶亡陽之熱無此大熱將謂三陽之表熱耶並無頭項腰背疼
痛又無前額眼眶脹痛及耳聾口苦等證且未見煩渴飲冷白虎湯
非所宜也以此而論定爲熱結旁流矣仍不煩渴者乃爲結燥隱匿
腸間不在胃腑故不能耗其在上之津液也吾用芫朮姜附半夏故
芫重加大黃一劑而下燥屎二三枚是夜不發熱矣於是方中除去
大黃又數劑而愈

附少陽腑邪一案

曾醫一婦人寒熱間作口苦咽乾頭痛不欲食眼中時見紅影動其
 家以為雷號予曰非也此乃少陽腑邪溢於肝膽目為肝竅熱乘肝
 膽而目昏花也用小柴胡和鮮少陽加當歸香附宣通血分羚羊
 瀉肝熱而廓清目中不數劑而愈矣

附小兒哭怕少陽一案

又醫一小兒寒熱往來每於夢中驚叫而醒爬上人身且哭且怕此
 為膽虛熱乘用小柴胡去黃芩未見口苦咽乾故去黃芩加茯神遠志寧心安神

竹茹開鬱琥珀安魂定驚一劑而愈

附三陰寒證因宿食轉屬陽明而成燥結一案

予內弟以來者患腹痛作泄逾月不愈屢附藥服過無數其人稟素

盛善啖肉因自恃強壯病中不節飲食而釀胃實之變則大便轉閉
自汗出昏憤不省人事譫語狂亂心腹脹滿舌胎焦黃乾燥開裂反
通身冰冷脈微如絲寸脈更微殊爲可疑予細察之觀其聲音烈烈
揚手擲足渴欲飲冷而且夜不能寐忝諸腹滿舌胎等證則胃實確
無疑矣於是更察其通身冰冷者厥熱亢極隔陰於外也脈微者結
熱阻截中焦營氣不達於四肢也正所謂陽極似陰之候宜急下之
作大承氣湯一劑投之無効再投一劑又無効服至四劑竟無効矣
予因忖道此證原從三陰而來想有陰邪未盡觀其寸脈微其事著
矣竟於大承氣湯中加附子二錢以破其陰使各行其用而共成其
功服一劑得大下寸脈卽出狂反大發予知其陰已去矣附子可以

不用乃單投承氣一劑病勢略殺復連進四劑共前計十劑矣硝黃各服過半斤諸證以漸而愈可見三陰寒證因有宿食轉屬陽明而成結燥者有如是之可畏也

附陽明胃實而兼蓄血證一案

吾家有時宗者三月病熱子與仲遠同往視之身壯熱而譫語胎刺

滿口穢氣通人少腹鞭滿大便閉小便短脈實大而遲仲遠謂熱結

在裏其人發狂小腹鞭滿胃實而兼蓄血也法宜救胃爲急但此八

年已六十證兼蓄血下藥中宜重加生地黃一以保護元陰一以破

鬱行血子然其言主大承氣湯硝黃各用八錢枳朴各三錢加生

一兩搗如泥先炒數十沸乃納諸藥同煎連進五劑得大下數次人

事貼然少進米飲二三口輒不食呼之不應欲言不言但見舌胎乾燥異常口內噴熱如火則知裏燥尙未衰減復以犀角地黄湯加大黃三劑又下膠滯二次色如敗醬臭惡無狀於是口臭乃除裏燥仍盛三四日無小便忽自取便壺一回子令其子取出視之半壺鮮血觀者駭然經言血自下下者愈亦生地之功矣復診之脈轉浮矣此潰邪有向表之機合以柴胡湯迎其機而導之但此時表裏俱還熱經陰津所存無幾柴胡亦非所宜惟宜白虎湯加生地黄黃芩以救裏倍用石膏之質重氣輕專達肌表而兼解外也如是二劑得微汗而脈靜身涼舌胎退而人事清矣再服清燥養榮湯二十劑而全愈矣

附中寒喉痺一案

曾醫中寒喉痺陰火上蒸津垢結而成塊堅白如骨橫於喉間痺痛
 異常其證惡寒嗜臥二便不利舌胎滑而冷不渴懶言已上諸證總
 屬虛寒何以二便不利益為陰寒上逆喉間津涎成流而出津液逆
 而不降故二便不利吾用生附子驅陰散寒熟附子助陽溫經桔梗苦以甘草
甘以干夏辛以阿膠以滋咽服一劑喉間白骨即成腐敗而脫出其半
 痺痛稍緩略可糜粥小便漸長三四劑而大便行糞多且溏如是二
 十劑而全愈矣由今觀之爾時識力尙欠阿膠桔根可以不用當用
 黃芪以助胸中之陽白朮以助脾中之陽接引真陽上達更為合法
 其效更速

兩陰頭赤腫破裂一案

曾醫樊子敬夫陰頭赤腫破裂如絲其痛異常乃爲素稟陽旺嗜飲
燒酒乘醉入房求若所欲酒毒隨欲火下注於前陰也吾用葛花解
酒毒大黃瀉熱梔子車前引導前陰五劑卽愈

附少陰病用灸法提上脘一案

曾醫一婦人腹中急痛惡寒厥逆嘔而下利脈見微濇予以四逆湯
投之無効其夫告曰昨夜依然作泄無度然多空坐醱脹異常尤可
奇者前陰醱出一物大如柚子想是尿脬老婦尙可生乎予卽商之
仲遠仲遠躊躇曰是證不可溫其下以逼迫其陰當用灸法以溫其
上升其陽而病自愈予然其言而依其法用生姜切一薄片貼頭頂
百會穴上灸艾火三壯其脬卽收仍服四逆湯加黃芪白朮一劑而

愈音許
肝音拋

附二小兒同時出痘痘同一證案

曾醫黃氏翁年踰七旬妻喪子亡寡媳一孤其弟年亦七十一子
天亡撫一孤孫同時出痘痘同一證毒盛稠密色紫赤而無潤澤形
縮小而不開胖間有一二擦破焦乾者其證舌乾口臭渴欲飲冷壯
熱不大便吾用牛子蟬退以解外毒生地紫草清其血分之熱以救
津液重用大黃少佐芒硝奪其內毒以救內焚各服二劑泄下數次
舌潤身涼苗轉紅活焦乾者漸有紅暈乃改用芪朮當歸甘草二劑
忽見寒戰咬牙其家張皇吾曰不妨此爲痘出過多陽氣精津運用
不及而有此虛寒之象於是倍用芪朮更加附子肉桂鹿鞭數劑寒

戰止而身微熱痘頂起而毒成膿其焦乾者亦皆有線漿又數劑而功成矣

附風疹轉傳少陰胎黑虛寒一案

門人聶希上問曰熊子寶田證多疑竇先生醫可願聞其巔末予曰見理確而奏效捷正欲暢言其中用法之妙以示諸子也其人真陽素虛偶患風疹其癢異常風疹者俗名也蓋爲陽虛受濕火衰作癢法當助陽驅濕醫家不得其傳謬用消風解熱之劑致使真陽愈虛不能禦邪疹頓消濕邪直入少陰轉見頭眩身重少氣懶言惡寒腰痛舌胎乾黑刺如櫟壳目直視而無潤色醫者云舌黑生刺津液枯竭必須人參以生津予曰渠識何經之病主人參出自何書不得

其法恐費人參而反殺之也因語之曰此等舌胎有二一則爲正陽陽明陽亢熱結陰津立亡法主大黃芒硝急奪其陽以救其陰陰回則津回再則爲少陰中寒真陽遭其埋沒不能熏騰津液而致乾燥起刺法主附子干姜急驅其陰以回其陽陽回則津回凡此皆非人參之所能希上曰病陽明者法當張目不眠聲音响噉口臭氣粗身輕易於轉側惡熱喜冷少陰爲病目眩倦臥聲低息短少氣懶言身重難於轉側惡寒喜熱以此而論其爲少陰審矣但又有一說直視者腎水垂絕之證也是則腎水可無慮乎予曰此乃陽明之謂也陽明胃實火亢水虧最患直視法當急奪其土以救其水少陰中寒陽衰陰盛故不患水絕最患亡陽法當補火殖土以回其陽今病少陰

目直視者津液不營目也亦腎陽衰不能熏騰之故耳方用姜附砂
半劑煎甘菊補火殖土以回其陽服一劑舌潤津回胎滑刺軟矣但
目睛不慧仍如故再服一劑明早曉之目中水色晶瑩顧盼如常矣
自云腹中發燒恐附子太重子喜曰休徵也陰病難於得熱熱則陽
回在裏之陰寒疾滯從此蒸化易易耳又數劑而全愈

附三陽合病一案

病人帝錫問曰頃看一證脈浮而大且弦而數身大熱而多汗口苦
咽乾渴欲飲冷小便短赤惡熱腹滿不大便頭昏欲睡少氣而又息
高熱犯少陰脫證不可爲矣子曰少陰病法當脈沉遲惡寒今惡熱
脈數知非少陰其浮屬太陽大屬陽明弦屬少陽身大熱而多汗者

熱越也法宜白虎口苦咽乾者少陽腑證也宜加黃芩小便短赤者
太陽腑證也宜合五苓散去肉桂加滑石渴欲飲冷便閉腹滿者陽
明胃實也頭昏欲睡者熱盛神昏也少氣者熱傷氣也息高者燥結
阻壅胃中濁氣上干而喘非腎氣發動也宜合調胃承氣湯因其氣
弱加人參帝錫依法一劑而大便通病減其半於是方中除去大黃
芒硝再投一劑諸證盡退但見身倦少氣心煩不眠不思飲食於是
改用人參黃芪大補其氣麥冬瓜萸霜解熱除煩砂仁陳皮以開其
胃數劑而全愈帝錫復問陽明息高何以不死子曰各經氣促無干
先天腎氣是以不死惟少陰腎氣發動上逆胸中有升無降蓋為本
實先撥真死證也

附治抱耳風應驗方案

丙寅冬寒熱不時人之感之者增寒壯熱兩耳前後浮腫俗云抱耳風初起寒甚者宜五積散熱甚者宜荆防敗毒散次服柴葛解肌湯無不愈者此法屢試屢驗

用二陽三陰五經合病一案

天慶班小生名汪禮者患痢甚危七日不食幾頻於死有熊任五官者憫之舟送來塾求治其證上身發熱下身作冷此陽熱在上陰寒在下也心中煩熱乃陽明裏證法用石膏口苦咽乾乃少陽腑證法用黃芩食不下屬太陰宜用黃芪白朮半夏砂仁身重多汗者心陰亡陽也宜用附子干姜故昏厥逆腹痛者厥陰裏寒也法宜生附

子吳奠因其陰陽雜錯藥即寒熱互用一劑而病略減再投一劑其
心中煩熱口苦咽乾上熱下寒併厥逆諸證俱已於是方中減去石
膏黃芩生附子加甘草茯苓數劑而全愈矣

附滑脫痢不思食一案

邨人萬德中病後久虛滑脫下痢子用補中開胃健脾兜瀝數劑無

勿胃口不開不思飲食因令以白飯鮮魚置其前令聞其氣必思食

果如吾言胃口頓開調理數劑而愈 常因此而推之凡病後不思

飲食者以此鮮饍美饌鼻之亦可為引開胃口之外助法也 又法

用雞一隻去淨毛腸肝脂不用入新瓦罐內加入胡椒二三錢濕昏

數層固封候煨至香極用銀簪於帑上開一孔使病者吸其氣必思

食亦外助良法也

附少陰中寒出疹一案

不可均用
疹與藥

曾治國先之孫疹出苗色淡紅煩燥口渴唇爛面腫清涎成流飲食
不思小便短大便閉子細察之此證內真寒而外假熱其人惡寒身
倦欲寐乃少陰證也內有真寒舌胎滑而冷口雖渴而喜熱飲且不
能多飲小便短而大便閉者以清涎上湧津液逆而不降也諸證皆
非真熱乃假象也方用附子白朮茯苓半夏吳萸服一劑苗色略轉
人事飲食亦漸稍可再投一劑口唇全愈清涎亦不吐矣大便初硬
後溏旋次又行轉紅白痢吾知其裏邪從下行矣亦胃氣有權穢腐
當去之徵也但小便仍短方中重用肉桂末藥內化服三四劑諸證

皆愈而功成矣

附麻疹爲熱壅變證一案

曾醫天瑞之子大熱大渴舌乾口苦咽喉腫痺氣喘腹痛下痢紅白
小便亦熱苗色紫而暗滯此爲火邪充斥三焦俱爲熱壅傷津而渴
觸肺而喘上攻而爲喉痺下迫而便紅白津液血脈受其蒸煎故苗
色不紅活口苦者少陽之裏證也方用柴胡黃芩清解少陽大黃通
瀉三焦實熱梔子引三焦之火屈曲下行生地紫草以解血分之熱
杏仁定喘桔根開提甘草和中服一劑諸證略殺但腹痛未減小便
如故是夜用辰砂六一散二錢桔根煎湯化服使桔根通天氣於地
道則氣不滯而壅自疎六一散開支河以瀉小腸之熱一服而小便

通腹痛卽愈次日苗轉紅活諸證俱已於是前方中減去柴胡黃芩
大黃梔子更加當歸茯苓數劑而全愈矣

附麻疹爲壅蔽不出一案

從姪經年三十出疹初熱時心中煩燥腹內疼熱甚爲剝床彼因
問三豆湯可服乎予曰可急煎服於是心煩腹疼乃解苗不出現人
事暈眩咳逆喘促鼻鬚扇動詳察其證知其爲熱毒壅塞於肺肺壅
則津液不行肌竅不開苗故不現因用黃芩以清裏熱阿膠麥冬以
潤肺燥桔根開提肺氣柴葛牛蒡薄荷清解外熱甘草和中杏仁定
喘服二劑苗色雖透而色皆紫黑人事更覺沉重飲食一點不能下
予情謂其家曰麻書有云淡紅者生紫黑者死其家駭布無似予復

安之曰豈真死證耶但其證極險耳此爲內熱甚而血結也其證舌
乾口臭惡熱喜冷聲音响曉仍服黃芩麥冬阿膠以清內熱而潤肺
燥加以丹皮以瀉血中之熱合紅花之活血者以散血結蟬退牛蒡
解其外毒黃連甘草解其內毒連進三劑人事漸安飲食漸可紫黑
漸退而麻疹收矣此疹然有陰邪內盛者苗亦紫黑法宜驅陰回陽
其證舌潤不渴聲低息短惡寒喜熱與此不同

前月其弟字志千者年二十一歲疹出甚艱信任內戚所薦之醫不
知解托概用寒涼遏鬱苗氣而不能出透至九日而死經千謂其弟
不白謹養起居失宜飲食失調以致此耳傷哉其弟爲庸醫所殺不
歸罪於醫而反躬自責足徵心地淳良皇天豈無默佑所以自出麻

疹其證雖險而終無害也竊謂賞善自應罰惡殺命之醫寧不速誅之耶

附麻疹一凶證

曾見一友年二十七歲夏月出疹頭身微熱苗色淡紅咽喉痛甚時醫誤用柴葛牛子甘桔等藥轉加作瀉大瀉數次疹頓沉沒咽喉轉閉口不能言人事恍惚暈眩欲絕時天有在坐子謂天有曰此證全是一團陰寒在裏若用疹家通套藥必不可生天有曰何以言之予曰若內實有火苗當紫赤何得沒紅且咽喉雖痛而不赤腫又無煩渴惡熱等證明明腎臟虛寒陰火上攻也且陽和布令百體順昌麻疹屬陽必純陽始得出透見點之時如萌芽初吐遇陰慘肅殺之氣

推殘所生靡有子遺今值此陰邪橫發埋沒真陽而疹不沈沒者幾希矣惟是陡進附子干姜半夏甘草白朮茯苓肉桂黃芪溫補兼行以驅陰回陽俾駁劣悉返冲和乃得功收再造危乎微乎後果依法而甦

附出痘咽喉痺痛少陰證一案

治一人出痘養漿時咽喉痺痛飲食不能下其人惡寒腰痛身重欲寐舌胎白滑三四日不大便吾見其少陰證具知爲陰寒挾飲上攻咽喉其大便爲寒閉不通將來出弓

出弓者屎出也

定是瀉瀉方用生附熟

附半夏人參白朮白朮炮姜胡椒同煎服外用生附子末吹其咽喉

日服二劑果泄瀉瘳二次痺痛漸止飲食稍進前藥內加黃芪再投

三四日咽喉全愈膿漿充足而成功矣

附出痘時兩腿上各見精瘦一條

曾治鄰家一證出痘稠密色紫赤而不紅活遍身疼痛再奇者兩腿各見青紫埂一條約寬二指纏至膝下其處手不可近觸之則痛劇其腿膝上下除此埂外截然無痘殆所謂枯樹掛蛇者是也其人體氣堅實身壯熱而不惡寒二便調和飲食雖不甚健尙能吃粥二小碗若脾虛便泄厥逆惡寒恐不可爲此乃本體陽旺兼之外邪實盛阻遏營衛吾用桂枝牛子各一錢以通營衛而逐外毒當歸五錢助營活血紫草茸一錢以解血分之熱茯苓桔梗各一錢以泄氣分之熱甘草陳皮各一錢利氣和中服二劑則痘已開盤運水矣其兩腿

堞上亦皆運水轉爲白垠明亮如吹豬腸根脚仍有紅暈其痛漸減
因其熱盛多火不用雞魚但令食鵝以助漿藥用莧尤當歸生地各
五錢紫草葶根甘草各一錢日服三劑三四日而白堞轉爲黃垠
則膿成而痛又減再加茯苓何首烏各三錢數劑而功成矣
附出痘邪熱不可盡除服此溫補助効一案

治一小兒出痘齊苗時身熱煩燥口渴飲冷不惡寒大便閉小便澀
苗色赤而暗滯顆粒小若針尖此爲邪熱過勝胃有結燥吾用牛子
蟬退以解外熱生地紫草葶以解血分之熱重用大黃少佐芒硝以
蕩結燥服一劑大便通熱勢畧殺再投一劑泄下二次熱靜身涼苗
轉紅活光壯是夜復加煩燥叫啼不已問其故不能自達然而苗色

甚佳此爲何耶予細籌之乃悟到痘書有云執不可盡除此爲大黃
過刻損傷裏陽以致不能運送苗氣不能發越於外轉爲內逼所以
憤悶不安莫可明言急投溫中助陽補氣之劑一劑而安

附少陽陽明太陰合病吐血一案

曾治一婦年二十四歲經信已停六月未來忽患吐血其證時惡寒
身微熱倦臥不嗜食頭昏而口不渴大便微結腹脹等證脈來微弦
而洪弦屬少陽微屬太陰洪屬陽明時惡寒身微熱及不嗜食而頭
暈腹脹者皆屬太陰少陽太抵病居太陰爲多不能統攝之故氣虛
故血上逆而吐也方用芪朮各二錢砂半各一錢五分醒脾開胃以
補脾中之陽干姜一錢溫中快膈甘草和中柴胡黃芩以散少陽之

邪香附米三錢引血下行從前陰而出二劑而血自止再服二劑加熟大黃一錢血即下行矣

附不知醫信任佞醫一壞案

嘗有患腹脹大便不通者脈微而澇舌潤不渴子曰此裏虛危候也法當助陽固腎理脾和氣使收藏之固本則氣歸元而化自行脾氣有權則健運行而升降清其患當自愈其家以子言爲過論也聽羣醫用下大便暫通腹脹因減彼以爲有效矣子知其必死也次日復果腹脹加甚於是又下閉脹愈加甚焉更極下之卒不能通則氣湧而死矣嗟乎庸醫殺人恬不知省頑夫受殺實可憫也

附久患留飲一案